

वति य एवमेतद्वेद ॥२॥ तदेतद्यज्ञस्यायातयाम । ओ आवयास्तु श्रीषड्यज्ञ ये य-
 जामहे वीषडिति तासां वाऽएतासां पञ्चानां व्याहृतीनां सप्तदशाक्षराण्यो आ-
 वयेति चतुरक्षरमस्तु श्रीषडिति चतुरक्षरं यजेति द्यक्षरं ये यजामहेऽइति पञ्चा-
 क्षरम् ॥३॥ द्यक्षरो वषट्कारः । स एष सप्तदशः प्रजापतिरधिदेवतं चाध्यात्मं च
 प्रतिष्ठितः स यो ह्येवमेतत् सप्तदशं प्रजापतिमधिदेवतं चाध्यात्मं च प्रतिष्ठितं
 वेद प्रतिष्ठिति प्रजया पशुभिरस्मिंलोकेऽमृतवेनामुष्मिन् ॥४॥ ते ह देवा ऊ-
 चुः । उप तं यज्ञक्रतुं जानीत यः सहस्रसंवत्सरस्य प्रतिमा को हि तस्मै मनुष्यो
 यः सहस्रसंवत्सरेण समाप्नुयादिति ॥५॥ ते विश्वजितमेव सर्वपृष्ठम् । पृथस्य ष-
 उहस्याञ्जःसवमपश्यंस्ते हि स्तोमा भवन्ति तानि पृष्ठानि तानि हन्दाऽसि ॥६॥
 पृथमेव षउहम् । द्वादशाहस्याञ्जःसवमपश्यंस्ते हि स्तोमा भ० ॥७॥ द्वादशाह-
 मेव । संवत्सरस्याञ्जःसवमप० ॥८॥ संवत्सरमेव । तापश्चितस्याञ्जःसवमप० ॥९॥
 तापश्चितमेव । सहस्रसंवत्सरस्याञ्जःसवमप० ॥१०॥ स वै संवत्सरं दीक्षाभिरिति
 । संवत्सरमुपसद्भिः संवत्सरत् सुत्याभिः ॥११॥ स यत्संवत्सरं दीक्षाभिरिति । पू-
 र्वार्धमेव तेन सहस्रसंवत्सरस्यावरुन्देऽथ यत्संवत्सरमुपसद्भिर्मध्यमेव तेन सहस्र-
 संवत्सरस्यावरुन्देऽथ यत्संवत्सरत् सुत्याभिरुत्तमार्धमेव तेन सहस्रसंवत्सरस्या-
 वरुन्दे ॥१२॥ स वै द्वादश मासान्दीक्षाभिरिति । द्वादशोपसद्भिर्द्वादश सुत्याभि-
 स्तत्षट्त्रिंशत्षट्त्रिंशदक्षरा वै बृहती बृहत्या वै देवाः स्वर्गे लोकेऽयतन्त
 बृहत्या स्वर्गं लोकमाप्नुवंस्तथोऽएवैष एतद्बृहत्यैव स्वर्गे लोके यतते बृहत्या
 स्वर्गं लोकमाप्नोत्यथ यो बृहत्यां कामस्तमेवैतेनैवंविद्वरुन्दे ॥१३॥ तद्वाऽए-
 तत् । त्रयत् सह क्रियतेऽग्निरुर्व्यं महदुक्थत् स यत्संवत्सरं दीक्षाभिरिति संवत्स-
 रमुपसद्भिस्तेनास्याग्न्यर्कावाप्तौ भवतोऽथ यत्संवत्सरत् सुत्याभिरिति तेनोऽएवास्य
 महदुक्थमाप्तं भवति स वाऽएष एव सहस्रसंवत्सरस्य प्रतिमा यत्तापश्चित एष